

yvtes. Momen pume hecēko taye estomis, eme pu hecvke tayas. En sulke estomuset hvlwe-este pu hecat kerrēkot omes. Momet nettv nerre omvl' en sulke estomuset epu'fulote tat kerrēkos. Momis nake hvmken kerreyet os. Estofis Hesaketvmese e turwv ep oh renaye munkvt os. Mvn estofis pu hosvranēkot omes. Hesaketvmese em-estvlke veacakat em vhonekvtkv kerrēko tayat omes. Vhonekvtkv, pum vkerrickv er ore tayat sen sulket omes. Hesaketvmese nake komat momecetv emehakvke vlket omes. Nake kicat vteken omvlkvt vpeyet yicet omes, momen omvlkvt afvckvket omes, veacvket ok'. Hesaketvmese vrakkecēn omat, pumeu pu 'fvekvke tares. Momen yvmv ekvuv nake koman momecēn omat, Hesaketvmese em-estvlke heceyvres, momen puna pvsatkof, mi hvlwen pum puyvfekecv 'rvpvkepvres.

 TEWE MEKKO.

TEWE mekko ohonkvv kerretv ce yacet omes, komis. Mv este-hunvuvwv Hesaketvmeset vnokece tates. Momet Tewe hunvuvwv orof, yvpefikv vhecicvtes, momet kerrekates hesake emunket mekko hakvranat.

Ahvmkv Tewe cvpofv ofvn en yvpefikv vpaket arvtes, momen este-papvt nokusen tepaket vlahokvtes, momet yvpefikv hokkolen cvwkvtes. Yvpefikuce estemerrusvtes, pvsatet hompvkvravtes, momis Tewet este-papv nokuse tepakan assecvtes.

Enhvmkuset omat, este-papv nokuse tepakat



hofunekon pvsvtares, komvtes, momet em penkvle-
kates.

Estomen Tewe penkvlekat haks? Hesaketvmese
hesayece tayen kerret omvtes, hiyomet on penkvle-
kot omvtes. Momet Tewe este-papv nokuse tepa-
ken pvsatvtes.

Momen hofnususof, este-hunvuvv rakke mahet
Cusvlke etepoyvranet vlakvtes.

Mv omof, Tewe mekko tokates, mekko Sal ho-
cefkv tates.

Estimvt mv este rakkat etepoyetv eyacekates,
omvlkv tayen penkvlvke tates. Mv este rakkat
holwvyecet, Hesaketvmese em penkvlekat omvtes.

Tewe mv este rakkon hecat, estimvt osiyet ete-
poyeko tetayen kerrvtes. Momen Tewe Sal mek-

kon, Aeha mekko, ce penkahlates! Vnet ahyit, mv este rakkat etepoyares kievtes. Momis Sal mekko em punayet, mv este rakkat etepoye taye oretskekos, ce'leevres, kievtes.

Momen Tewe, Hesaketvmese este-papv nokuse tepakan en kvpvken cv hesayeevtet, vm vnievres, mekkon kievtes. Hesaketvmeset mv este rakkat enke en kvpvken cv hesayeevres, Tewe opunayat kievtes.

Tewe, Hesaketvmese em enhonret, este rakkat etepoyvranet ayvtes.

En horre yekcat eslafkv-cvpko cufunfvske tepaken cvwē tates, mont elecvraret emehakvtes. Momis Tewe cvto-svfvkvn cvto tepakusen oevtes. Tewe Hesaketvmeset em vnievret on kerrvtes, monkv eslafko-cvpko cufunfvske tepakat em penkvlekates.

En suletawv ehomvn vlakof, este-rakkan vnrpvranet letkvtes. Momen cvto-svfvkvn cvton vpiket es nafkvtes, mohmen cvto ekvn eeeyvtes. Mohmen este rakkat tyk lvtiken, Tewe oh letiket, eslafkv-cvpkon a em eset, nokwvn es en taevtes. Tewe mv este rakkat eleceko tetayvtes, Hesaketvmese yekce-tvn e'mekaten omat.

Cehofv oh vkvsvmeko en nokkievre en kvpvken hesakvtes.

Sal eppuce tepakat pvsatkof, Cusvlke Tewen mekkon hayvtes.

ESTE HOPORRENEKO NAKE MAKVTE.

TEWE mekko owalv Hesaketvmese pum oh onaye mahet omes. Heyv nake here mahet omes. Momet este nake makvte tis pum onayvtet omes, vlvmkv

este hoporrenekat nake makvte, pum onayet omes. Heyv tes, "Este hoporrenekat e feke ofvn Hesaketvmese sahsekos, makvtes." Este hoporrenekat nake estomen make tayat estimvt keriyekos. Fvcev-hakeko opunvyetvt em vtotketv tes. Momekv mv tvlkusen vkerricet, lakset, nake mehenweko, hoporreneko sekat tvlken opunvyecet omes. Estimvt nake maket momecet omat, kerrvkat heret omes. Horkopvlke horkopaketa omes, vkerrvlke vkerrake vlket omes. Laksvlke mehenwv onvyahkekos. Este ekvsamv nake onkv sulecet omes, onkv rvkrvken onayet omes, momen este hacohakv okhackvn opunayes.

Estimvt mv nakcokv esetskat emet hocackvtes maken omat, momet estimvt hoccicekates, estimvt hayekates maken omat, vkvsametske te? Mönkos, vkvsahmetskekos. Momët omen omat, estoman heyv sutv vkolaswv es fveke ocat, eto-esse tis, fuswv tis, nake ele-oste rvkrakat tis, rvro tis, canv tis, pvkpvke tis yomakat omvlkv emet hocackvtes, hahoyekon, makvke taye haks?

Hesaketvmese sahsekos, maketv mvrabrvkv tut-cenes.

Opunahoyet makaket sases, momis mv omakat sulkekot omes.

Este Hesaketvmese sahsekos, maken pohetsken omat, lvpken em vkuekekvs. Holwvyecës, vhopvukës. Momis en homehcetskvs, ehvhnetskvs, momis "Em merrvs, Hesaketvmese," kievvs. Heyvn kerrvs, emekusvpekot omës.

Vpvlwvt efeke ofvn Hesaketvmese sahsekos makakës. Hiyomen este hoporrenekat maket okvtes.

Este momakat, Hesaketvmese sekate! komakes. Este momakat holwvyeckvn em vlostvket omakēs. Mome estomis holwvyeceyat svrahkvn, Hesaketvmese pu'stemerrievres, komaket penkvlaket omakēs. Momekv Hesaketvmese ep ohfveceevre sekate! komaket omēs. Hesaketvmese ehlekos, vuhlekos, estofis wenake emunkvt omes. Momekv sekate! komaket es vpeye estomis, like munkv tares.

Vpvlwvt em fulletvn Hesaketvmese sekos es makaket omēs, Hesaketvmese sekon amat, estomet fulle tayat ore heren fullaket omēs. Emekusvpyhkekos. Feksumketvt en cakken amat oh huehkake wites. Este mv omakat, Hesaketvmese ehvuvkeko estomis, vrvkkuecvkekot omakes. Sukkv lvkevvn pvpaket omis, vnvtykiset lvkevpe huerat heheekos, nake en hecke hompat, mimvt es fekhere sekot fulles; mv omaket omes, Hesaketvmese vkvsvmvkeko fullat.

Hesaketvmese em vtotkvkekot, momis heyv ekvuv, ena vpeswvn, Este-nekrievn asyomen em vtotkakket omakēs. Em opunvkv hecake estomis em en hervhkekos. Hesaketvmese vnokecvhkekos. Nake sulecetvn eyacvket omakēs, vkvsvmhoyvre tis, cvtokunawv tis, vfvcketv yvmv ekvuv kice ocat esyomakat vnokecet; Hesaketvmese vnokecvkekot omakēs. En homecvke mahes. Em vhakv vfvstvhkekos. Vnaorkakvte efeke es nokkicaket, naorketv wikhkekos. Hesaketvmese em estvlke yorecvte, este-nekrievlke tis, vkerrickv ocakat em orievkekot omakes. Este-nekrievlke Hesaketvme likat vkvsvmaket fekekaket omakēs. Momis heyv este take Hesaketvmese likes kome vkerricakis, afvckvkekot,

momet penkvlykeket omakēs. Penkylakuse ocen
omat, lvpkusen ehosakēt omakes. Este heyv oma-
kat ymv ekvny tayet omēs. Nake sulke mahen
kerrvkēt sases. Momis Hesaketvmese kerrvkeket
omakēs, kerreyes kome, vfekhonnicvketv eyacvkeket
omēs. Cvtokunawv ocaket, ekvny ocakes. Momis
estemerrakuset omakēs. Cehofv ocvkeket ymv
ekvnyv oh fullet omakēs. Rakke kihocat sases, mo-
men hvlwen kvwvpkakes, momis lvpkusen totkv-
rakko sufke herat ofvn akhvtypecvres. Mv en svpvk-
letv senhoneckvkes. Ceme mv fullat toyetska? He-
saketvmese sekos kometsken omat, cem vretv etice-
kot vretske tayes. Hesaketvmese vnokecetsket o
haks?

PU HESAYECV.

ATVME Ef tepakat holwvyecakekv, Hesaketvmese
mv cvpofuce vtelkvre en komeket omvtes, Hesake-
tvmese hvsvtket omekv, momet holwvyeckv omvkvv
en homecet omet.

Atvme Ef tepakat herake hvsvthakvte vnvcomv
momekates. Hesaketvmese vnokecvkeket omvtes.
Momet vkerricetv eyacvkeket omvtes, holwvyecvke
heret omvtes. Momen Hesaketvmese en holwvyec-
kv taken 'sen homecet omvtes.

Hesaketvmese eto em ette homipatskvs kievten
hompaken, monkat esaken omat, ce pvsvtkvranvkat
tvlkus, kievtet on kerratsket omes. Monkv Atvme
Ef tepakat pvsvtkvranet ot kerrakvtes.

Mehenwvt omes, em puyvfekev pvsvtkeko tayet
omvtes, puyvfekev estofis hesake munkvt omekv.



Momis puyvfekev omvlkvt Hesaketvmese hvlwe likat
'rvpaket vpokvranekot omes.

Liketv estepenkvlecat totkv-rakko kicetvt liket
omēs, holwvyecakat em puyvfekev vpeyvranat, esto-
fis, Puyvfekev holwakat, momet em estvlken er vpa-
ket vpokvranat. Monkv Atvme Ef tepakat holwv-
yecakekv, mv holwvke ocan vtothoye tayet omvtes.

Momis Hesaketvmese Eppucet mv en kaketv

holwakan em oh merrvtes. Momet hvlwen a hv-
tapket, momet estuce haket, momen Cesvs kihocvtes.
Momet estemerket arvtes, momet tohweklepkn oh
estemerket elvtes, Hesaketvmese este en naorketvn
en kvpyecievret. Hesaketvmeset Atvme Ef tepa-
kan, vlvkvres, kievtes.

Pume Atvme en hopuetakuce toyēs. Momen
Cesvs tohweklepkn elkvn 'soh estemerrvtes, pum
puyvfekevn totkv-rakko en kvpvken pun hesahue-
cvret. Cesvs Hesaketvmese Eppuce pu Hesayecvt
omes. Oh vkvsamēt, momet vnokecēn omat, pu
pvsatkof, pum puyvfekevn hviwe tvlofvn 'res pum
orvres. Momis oh vkvsvmēkon omat totkv-rakko
en hesahokeko tetayuset omes.

Hvlwe-tvlofv oh vyetv etv sekot omes.

HESAYECV ETV SEKOT OMES.

Cesvs hopuetakuce em merruset omes. Hopue-
takuce em etektvnecatsken, a ve oh vwepekvs, mo-
met 'sen tvcikatskvs, mv omakatet Hesaketvmese
eme tvlofv vpokes, makvtes.

Cesvs oh ayetsken omat, ce hesayecvres, kicets-
kat, Acha, Hesayecv vn heretskat vn holwvyeckv
omvlkn vn kvpyecievsv, momet vm puyvfekevn vn
hesayecvs.

ESTE-PAPV.

ESTE-PAPV ponvttv em mekkon kihocet os; yeke
mahet, fekhvinke mahet omekv.

Este-papv ekvnn lekuthan fullēs. Rvkrvket omēs,
momet en nokwv-esse cvpevket omēs, momet ele-
kususuwv rvkrvket, yekevket omēs. E cukwv rak-

ket, e nute fvsfvket omēs. Esse oklanet, supvkhvtket hvtvm oklvste tis sases. Este-papv hehkate 'senhonecke mahet omes.

Este-papv nere renayvt omes. Nettv omof cvto-hauke, hvfvpan esceyet, ehkaket nucicet omes. Momis neren asosset uewvn oh vpeyet eskaket omēs, eskvkofvt uewv tempen ehkakēs, momen eco, yvrvsv tis esketv eyacet yicof, oh tasket, ayocet elecet pv-pakes.

Este-papv vculof, nute en kvceken yvrvsv pvsateko tayas, momet este-lvste eme tvlofv tempen fullat, sukhv, yvpefikv tis, este tis ayocakēs. Monkv este tohopke hvlvwen hahicet, tvlofv em vfulotken ocaket omēs. Vpvlwvt e hute eto yuksvn oh hahicet sasēs, este-papv eto acemecekot omekv.

Cusvlke em ekvrv Cotvne hvtee tempen este-papv svsetvt omes.

Nakeokv-rakko este-papv opunveece mahet os. Este fekhvmkvke mahe saset este-papv e feken ocaket os, kihocet omes. Este holwvyecvlke este estemerhoyusat, nake svpenkvlecaket, este herakat nake em ahopvnake fullat este-papv nake esvte komet vketece munket ares; mvn es vhopahoyet os. Este-nekricv pun horre omet este omvlkvt holwvyecvlket, momet enhonrv tis ocekot, eme omkvren komet, este-papv hehket arēs. "Mv omet Este-nekricv este estomen sumecice tayat hopoyet ares," Nakeokv-rakko maket os. Monkv Hesaketvmese emekusvrvkers, Cesvs vrahkvn, heyv holwvyecv puna pum puyvfekv 'svrvke pu sumecice tayat en kvrvken epu'cayecvren.



RVTCE-KUPHE.

HIYOMAT rvtce-kuphe cem ohonayvranvkis. He-
 cvs rvtce-kuphe vhake tes.

Rvtce-kuphe nake rakket omes. Corakko 'sen
 hylwet omes. Ekv cōtkuset, e nokwv, cvpket, kuphe
 rakket era oh liket omes.

Rvtce-kuphe nak-se-emynickv heret omes; em
 vpeswv hompetv heret omes; e pese esketv heret
 omes; esse kapv-hakv es hayetv heret omes.

Rvtce-kuphe kaccv, este-papv tepaket hompetv
 eyace elecat ohmekos. Monkos, rvtce-kuphe nettv
 omvl' este em vtotkat vtotketv es enhoriyekos.

Rvtce-kuphe pyhen, nak-essen, tvkliken esyoman
 hompet omes. Rvtce-kuphe newv eskekis, nettv
 cahkepat aret omes.

Este sulket rvtce-kuphe ocaket Alepvlke hocef-